

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

ENPLEGU, MERKATARITZA ETA TURISMO SUSTAPENAREN ETA FORU ADMINISTRAZIOAREN SAILA

Foru Gobernu Kontseiluaren 72/2019 Erabakia otsailaren, 12koa, onestea turismoa sustatzeko jardueretarako laguntzen 2019ko deialdia, toki erakundeei eta irabazteko xederik gabeko elkarteei zuzendua

Arabako Lurralde Historikoa oso leku berezian dago, historian zehar bideen eta bidaiarien elkargunea izan baita. Horrek eragin nabarmena izan du gure lurraldeko turismo sektorearen sorreran eta garapenean.

Turismoa gorantz doan sektorea da. Gaitasun handia du aberastasuna eta lanpostuak sortzeko eta bere garrantzi eta eragin ekonomikoa handitzen jarraitzeko. Gero eta indar handiagoa du Arabako ekonomian. Hain zuzen ere, Arabako turismo sektorea, gaur egungo atzeraldi ekonomikoa eta familien eta gainerako eragile ekonomikoen gastu murrizketa latza gorabehera, sektorerik dinamikoenetakoa da. Azken urteotan bisitarien kopurua eta horiek Araban emandako gauen kopurua onak baino hobeak dira.

“Arabako Lurralde Historikoa sektore horren garapena oinarritzeko baliabide asko eta asotarikoak dauzka: baliabide naturalak, artistikoak, kulturalak, ondarekoak, gastronomikoak, paisaiaren ingurukoak; horiek guztiek berezko nortasuna ematen diote.” Eta lurralde irekia da, koloreanitz, modernoa eta abegitsua.

Gure lurraldeak aisialdirako egitura sare zabala dauka eta horrek, ingurune natural, kultural eta sozialarekiko errespetu handiko kontzientziarekin eta komunitatearen balioekin batera, batez ere turismo berde, aktibo eta iraunkorrari lotutako irudia eratzea ahalbidetu dio. Horri guztiari gastronomiaren alderdia gehitu zaio, bai eta Araba, bere balio enogastronomikoa dela eta, helmuga erreferente izateko helburua ere. Irudi horrek ematen dizkion aukerak oharkabean pasatzen ez uzteko edo alferrik ez galtzeko, ezin du eginkizun pasiborik onartu; aitzitik, era proaktiboan jokatu behar du, bere eskaintza eta baliabideak bisitatzen dutenen edo bisita dezaketenen nahi eta eskakizunetara egokitzeko moduan.

Beste alde batetik, Arabako Foru Aldundiak agintaldirako diseinatu duen turismoko plan estrategikoa helburu nagusi hauek dauzka: turista kopurua handitzea eta haien batez besteko egonaldia luzatzea, eta arabarren turismoa sustatzea Arabako lurralde historikoan. Horretarako, turismo berdearen, turismo solidario eta arduratsuaren eta gastronomiaren alde ez ezik, turismo irisgarriaren eta kirol turismoaren alde ere egingo da. Era eta aldi berean, sustapena eta on-line marketina ere bultzatuko dira; eta, horretarako, on-line estrategia eta komunikazio plan bat diseinatuko da, zeinak Araba nabarmendu eta erakargarriagoa egingo duen eta informazioa erabilgarria eman eta erabiltzaileekin trukean jardutea ahalbidetuko duen.

Horrez gain, Arabako Foru Aldundiak uste du gure lurraldeko turismoaren garapenari egiten dion ekarpena izan behar dela elkarlanean jardutea Araban zein Euskal Autonomia Erkidegoan ari diren gainerako erakundeekin eta eragile ekonomikoekin. Dena dela, erakunde lankidetzako ekimen hau ez litzateke nahikoa izango Arabako turismo sektoreari indar handia emateko, baldin eta Arabako udalek, herriek edota kuadrillek eta elkarteek produktuak garatuko ez balituzte eta gure ondarea, kultura eta ingurumena ezagutarazteko eta babesteko jarduketak egingo ez balituzte.

Hala, azken urteotan horiek guztiek turismoa sustatzeko hainbat jarduketa egin dituzte, Araba helmuga turistiko gisa bultzatzeko ahaleginetan. Ekintza horiek antolatzean, dituzten finantza baliabide eta baliabide teknikoaren urritasunari aurre egin behar izan diote. Oztopo

horiek turismoaren sektorearen garapenean eragin txarra izan ez dezaten, Arabako Foru Aldundiak Arabako Lurralde Historikoa eta turismorako eskaintzen dituen aukerak gure lurraldetik harantzago ezagutzera emateko mota horretako jarduerak sustatu nahi ditu.

Diputatuen Kontseiluaren martxoaren 15eko 26/2016 Foru Dekretuaren bidez, Arabako Foru Aldundiak onartu egin zituen Enplegu, Merkataritza eta Turismo Sustapenaren Zuzendaritzaren eskumeneko eremuan ematen diren dirulaguntzak arautzeko oinarri orokorrak.

Oinarri horien onarpenaren ondorioz, eta ahalik eta zabalkunderik gehien ematearren eta publizitatearen, lehiaren, objektibotasunaren, berdintasunaren eta diskriminaziorik ezaren printzipioak betetzeko, laguntzetarako deialdia ezarri behar da, turismoa sustatzeko ekimenak berari lotu beharko baitzaizkio.

Horregatik, Enplegu, Merkataritza eta Turismo Sustapenaren eta Foru Administrazioaren Saileko foru diputatuak hala proposatuta eta Diputatuen Kontseiluak gaur bertan egindako bilkuran aztertu ondoren, hona hartutako

ERABAKIA

Lehenengoa. Onartzea turismoa sustatzeko jardueretarako laguntzen 2019ko deialdi publikoa, zeinaren gehieneko hornidura 559.002,19 euro izango den. Deialdia erabaki honi erantsi zaio.

Bigarrena. Deialdi hori arautzen da Arabako Foru Aldundiko Enplegu, Merkataritza eta Turismo Sustapenaren eta Foru Administrazioaren Saileko Enplegu, Merkataritza eta Turismo Sustapenaren Zuzendaritzak lehiaketa araubidean dirulaguntzak ematea arautzen duten oinarri orokorre jarraituz (Diputatuen Kontseiluaren martxoaren 15eko 26/2016 Foru Dekretua), bai eta erabaki honen eranskinean xedatutakoari jarraituz ere.

Hirugarrena. Erabaki honek arautzen dituen dirulaguntzak Arabako Foru Aldundiaren 2019ko ekitaldirako luzatutako 2018ko gastu aurrekontuko zenbait partidaren kontura ordainduko dira. Hona hemen zeintzuk diren aurrekontu partidak eta banaketa:

– 1.30.5.02.37.00.465.00.01 partida, zenbatekoa: 351.500,00 euro (xedapen erreferentzia: 105.333/000) eta kuadrilletarako.

– 1.30.5.02.37.00.462.90.01 partida, zenbatekoa: 131.250,00 euro (xedapen erreferentzia: 105.332/000) eta udaletarako.

– 1.30.5.02.37.00.481.00.01 partida, zenbatekoa: 76.252,19 euro (xedapen erreferentzia: 105.334/000) eta irabazteko xederik gabeko entitateetarako.

Laugarrena. deialdiaren behin betiko ebazpena eten dezakeen baldintza gisa, kreditu egokia eta nahikoa izan behar da Arabako Foru Aldundiaren 2019rako aurrekontuan.

Bosgarrena. Ebazpen horrek bide administratiboa agortzen du, baina Diputatuen Kontseiluari erabakia jakinarazi den egunaren hurrengotik hasi eta hilabete igaro baino lehen aukerako berraztertze errekurtsoa jar daiteke, urriaren 1eko 39/2015 Legearen, administrazio prozedura erkidearenaren, 123. artikulua xedatzen duenaren arabera. Bestela, zuzenean aurkatu daiteke administrazioarekiko auzietarako dagokion jurisdikzioaren aurrean, erabakia jakinarazi den egunaren hurrengotik hasi eta bi hilabete igaro baino lehen.

Seigarrena. Deialdi hau ALHAOn argitaratuko da eta argitaratu eta hurrengo egunetik aurrera izango du indarra.

Vitoria-Gasteiz, 2019ko otsailaren 12a

Diputatu nagusia

RAMIRO GONZÁLEZ VICENTE

Enplegu, Merkataritza eta Turismo Sustapenaren eta Foru Administrazioaren Saileko foru diputatua

CRISTINA GONZÁLEZ CALVAR

Enplegu, Merkataritza eta Turismo Sustapenaren zuzendaria

JUAN FELIPE GARCÍA MIRAVALLES

ERANSKINA**TURISMOA SUSTATZEKO JARDUERETARAKO LAGUNTZEN 2019KO DEIALDIA, TOKI
ERAKUNDEEI ETA IRABAZTEKO XEDERIK GABEKO ELKARTEEI ZUZENDUA****1. artikulua. Xedea**

Deialdi honen xedea da Arabako Lurralde Historikoan turismoa sustatzeko jarduerak babes-
tea, lehiaketa bidez dirulaguntzak emanez.

2. artikulua. Aurrekontu partidak eta gehieneko zenbateko osoa

2.1. Erabaki honek arautzen dituen dirulaguntzak Arabako Foru Aldundiaren 2019ko eki-
taldirako luzatutako 2018ko aurrekontuko 30.5.02.37.00.465.00.01, 30.5.02.37.00.462.90.01 eta
30.5.02.37.00.481.00.01 gastu partiden kontura ordainduko dira, eta zenbatekoak izango dira
351.500,00 euro kuadrilletarako, 131.250,00 euro udaletarako eta 76.252,19 euro irabazteko xe-
derik gabeko entitateetarako, hurrenez hurren (xedapen erreferentziak: 105.333/000, 105.332/000
eta 105.334/000).

2.2. Diputatuen Kontseiluaren martxoaren 15eko 26/2016 Foru Dekretuaren bidez onartutako
oinarri orokorren 7.2 artikulua betez, saileko diputatu titularrari ahalmena ematen zaio aurrekon-
tuko partida bakoitzari esleitutako funtsak birbanatzeko, Balorazio Batzordeak hala proposatuta.
Horretarako, ebazpena emango du, betiere deialdiaren aurrekontu osoa errespetatuz.

2.3. Deialdi honetarako zehaztutako aurrekontu partiden hasierako hornidura hasierako
aurrekontuaren ehuneko 100 igo ahalko da gehienez, dagozkion aurrekontu transferentzien
bitartez, baldin eta Enplegu, Merkataritza eta Turismo Sustapenaren Zuzendaritzaren beste
partida batzuetan gerakinak geratzen badira.

3. artikulua. Onuradunak

3.1. Laguntza lerro honetan jasotzen diren onurak eskuratu ditzakete:

a) Arabako Lurralde Historikoko kuadrillek.

b) Arabako Lurralde Historikoko udalak, baldin eta turismo bulegoa edo turismoko informa-
ziorako puntua badute, eta gutxienez bost urteetatik lau zerbitzuak ematen ari bada.

c) Irabazteko xederik gabeko elkarteak, probintzia eremukoak. Elkarte horiek Autonomia
Erkidegoko Elkarten Erregistroan inskribatuta egon behar dute, eta beraien xede soziala tu-
rismo sustapena izango da edo, bestela, proiektu turistikoko edo gastronomiko bat garatuko
dute Arabako Lurralde Historikoan. Betiere, Enplegu, Merkataritza eta Turismo Sustapenaren
Zuzendaritzaren iritziz, proiektu horietan jasotako ekintzak azpimarragarriak izango dira lortu
nahi diren helburuen edo helmuga turistikokoaren hedaduraren aldetik. Landa garapenerako
elkarteak kanpoan garatuko dira berariaz.

3.2. Aurreko 3.1 paragrafoaren c) idatz zatian aipatutako onuradunek egunean izan beharko
dituzte Ogasunarekiko eta Gizarte Segurantzarekiko betebeharrak, 58/2004 Foru Dekretuan
ezarritakoaren arabera, bai dirulaguntza emateko ebazpenaren aurretik, bai dirulaguntza jaso
aurretik.

3.3. Beren-beregi baztertuko dira Arabako Foru Aldundiaren 2019ko ekitaldirako aurrekon-
tuan Enplegu, Merkataritza eta Turismo Sustapenaren Zuzendaritzaren dirulaguntza izendu-
nen bat jaso duten eskatzaileak (esleitzeko garaian hitzarmena izenpetuta egon edo ez), baita
laguntza lerro honetako lehenagoko deialdien bidez emandako dirulaguntzak ezarritako epean
egin edo justifikatu ez dituztenak ere, salbu eta baldintza hori ez betetzeko arrazoiak nahikoa
justifikatuta badaude Enplegu, Merkataritza eta Turismo Sustapenaren Zerbitzuaren iritziz.

4. artikulua. Dirulaguntzarako onartzen diren gastuak

4.1. Diruz lagundu ahalko dira proiektuak abian jartzeko inolako zalantzarik gabe lagungarriak
diren gastuak, beharrezkoak direnak eta ezarritako epean egiten direnak, hala nola:

– Turismoa sustatzeko materialak diseinatzea, egitea, maketatzea, itzultzea eta inprimatzea.

- Turismoa sustatzeko programaren baten barruan egiten diren jardueren gaineko publikitate ekintzak, mailingak eta buletinak.
- Seinaleak jartzeko diseinu eta aholkularitza gastuak, mendi ibilaldietarako eta turismo berderako soil-soilik.
- Turismoko produktuak zein natura, gastronomia edota kultura arloko ibilbide tematikoak sortzea, hobetzea, sustatzea eta merkaturatzea, eta horri buruzko kanpo aholkularitzako gastuak, eta turismo ekitaldiak antolatzea. Hala ere, kirol eta/edo kultur izaera duen oro, dela edukian, dela eskatzailearen sozietate helburuagatik, diruz lagunduko bada, lurraldearen turismo sustapenerako izan behar du, eta Enplegu, Merkataritza eta Turismo Sustapenaren Zerbitzuaren alde aurreko isilbidezko oniritzia eduki behar du.
- Turismoko web orriak eta, oro har, gailu mugikorretarako aplikazioak diseinatzea, eguneratzea eta itzultzea. Ez da dirulaguntzarik emango web orri horien erregistro eta hosting gastuetarako eta gainerako mantentze gastuetarako. Erakunde onuradunak banner bat ipini behar du bere web orrian nahitaez, Arabako Foru Aldundiaren turismo atariarekin lotuta.
- QR kodeen ezarpenarekin eta beacons teknologiarekin zerikusia duten gastuak, plaken kostua barne, gastu hori ezinbestekoa baita dagokion aplikazio informatikoan edo web espazioan jasotako informazioa deskargatzeko.
- Inguruko turismo baliabideei buruzko argazki erreportajeak eta ikus-entzunezkoak, baldin eta erakunde kontratatzaileak argazkien jabetza bereganatzen badu eta dohainik erabiltzeko eskubidea ematen badio Arabako Foru Aldundiari. Argazkiak eta ikus-entzunezkoak dohainik erabiltzeko eskubide hori beren-beregi jaso beharko da eskaeraren memorian.
- Eskatzailea gizarte sareetan egon ahal izateko egin beharreko diseinuko eta programazioko gastuak.
- Bisita gidatuen gastuak.
- Erabilerarako ingurumen planak eta/edo kudeaketa inteligenteen eta/edo jasangarrien ereduak
- Turismoko informazioa hobeto kudeatzen laguntzen duten informatikako aplikazioak.
- Kanpo aholkularitzako gastuak, zuzeneko lotura dutenak kasuan kasuko eredu edo sistemen arabera kalitate, irisgarritasun, nahiz iraunkortasun aipamena edo ziurtagiria lortzearekin, azken helburua ziurtagiria edukitzea izan ala ez.
- Turismo azoketara joateak eragindako gastuak, kuadrillentzat. Salbuespenak hauek:
 - Joan-etorri gastuak direla eta, hauek lagunduko dira diruz: tren edo autobus joan-etorri txartel bat edo, autoz joanez gero, 0,29 euro kilometroko. Soilik, Arabako Foru Aldundiak aktiboki badihardu azoka horietan.
 - Otordu gastuak eta gau bat, bi edo hiruko ostatu gastuak diruz lagunduko dira, baldin eta alde aurretik eta berariaz eskatzen badu Enplegu, Merkataritza eta Turismo Sustapenaren Zerbitzuak, ALHko turismoa sustatzeko standaren ardura izateagatik. Edonola ere, dirulaguntza ematen denean, benetan egin eta frogatu diren gastuetarako soilik emango da, eta zenbatekoak ez ditu honako muga hauek gaindituko: 21,00 euro bazkari edota afaritarako.
- Arabako foru aldundiak zein turismo azokatan parte hartzen duen, haietara sustapen materiala bidaltzeagatik ordaindu beharreko gastuak. 3.1 artikuluan jasotako onuradunentzat baino ez.
- Kanpoko zerbitzuak kontratatzea turismoko sustapen eta zabalkunde jarduerari laguntzeko edo turismo bulegoak nahiz informazio edo interpretazio zentroak kudeatzeko. Aurreko 3.1. artikulua a eta b idatz zatietan dauden onuradunentzat baino ez.

– Ostatu eta dendetan jarritako turismo informazio txokoen diseinua, aholkularitza eta muntaketa.

– “Turismoko familiarizazio bidaiak (“Fam-trip”, “blogtrip” eta “press-trip” deritzenak) antolatzea, helmuga komunikabideetan erakusteko eta bisitariak erakartzeko; eta bisita teknikoak antolatzea, lanerako metodologia oso zehatz eta dinamikoarekin eta oso helburu zehatzak jarrita, besteak beste, ikastea eta gure lurraldera ekarri ahalko diren ideia berriak bilatzea.” Bai fam-trip, blogtrip eta press-trip horiek bai bisita teknikoak dirulaguntzaren xede izan daitezzen, Enplegu, Merkataritza eta Turismo Sustapenaren Zerbitzuaren isilbidezko oniritzia beharko da.

– Turismo arloko jarduera berrien bideragarritasun azterlanak.

– EAEko bi hizkuntza ofizialen erabilerari buruz ezarritako betebeharra betetzeko onuradunek egin behar dituzten gastu guztiak, deialdi honetako 11.2 artikuluan jasotakoaren arabera.

4.2. 4.2. Diruz lagundu daitezkeen gastu horiei dagokienez, soilik onartuko dira jarraian zehazten diren dirulaguntzen gehieneko mugak –kontzeptu moten arabera hartuta, oro har– gaituzten ez dituzten aurrekontu lagungarriak, baina salbuetsi egingo dira bereziki berritzaileak diren ekitaldiak edo erakunde publiko eta pribatuen arteko nahiz eskualdeen arteko lankidetzak garrantzitsua berekin dakartenak, horrelakoetan Enplegu, Merkataritza eta Turismo Sustapenaren Zerbitzuak mugak gaituztea proposatu ahalko baitu. Onuradunek jaso dezaketen gehieneko dirulaguntza gutxitu dezake Balioespen Batzordeak, baldin eta desoreka argia badago diru baliabideen eta aurkeztutako proiektuen kopuru zein kalitatearen artean.

– Turismoa sustatzeko eta publizitaterako material orokorra argitaratzea eta inprimatzea: 3.000,00 euro, oro har, eta 10.000,00 euro kuadrillentzat eta zuzenbidezko 20.000 biztanle baino gehiago dituzten udal onuradunentzat. Muga horietatik kanpo izango dira Enplegu, Merkataritza eta Turismo Sustapenaren Zuzendaritzak Arabako lurralde historikoa sustatzeko material guztiari irudi eta aurkezpen bateratu bat emateko jarraibideen ondorio den sustapen materialari buruzko gastuak.

– Turismo bulegoak nahiz informazio eta interpretazio zentroak kudeatzeko gastuak, eta turismoko sustapen eta zabalkunde jarduerari laguntzeko kanpoko zerbitzuak: 20.000,00 euro kuadrillentzat eta zuzenbidezko 20.000 biztanle baino gehiago dituzten udal onuradunentzat eta 10.000,00 euro gainerakoentzat.

– Bisita gidatuak: 12.000,00 euro.

– Ekitaldi bereziak, eta turismoko produktuak zein natura, gastronomia edota kultura arloko ibilbide tematikoak sortzea, hobetzea, sustatzea eta merkaturatzea: 10.000,00 euro, oro har, eta 40.000,00 euro kuadrillentzat eta zuzenbidezko 20.000 biztanle baino gehiago dituzten udal onuradunentzat.

– Bideragarritasun azterlanak, eta seinaleak jartzeko diseinu eta aholkularitza gastuak: 6.000,00 euro.

– Argazkiak eta ikus-entzunezko materialak egitea: 6.000,00 euro. Gastu muga horietatik kanpo izango dira Arabako Foru Aldundiaren turismo atarian jartzeko argazki eta ikus-entzunezkoen gastuak.

– Turismoko web orriak, gizarte sareak, QR kodeak, gailu mugikorretarako aplikazioak eta garapen informatikoak: 9.000,00 euro.

– Kalitaterako, irisgarritasunerako eta lehiakortasuna hobetzeko aholkularitza gastuak: 6.000,00 euro.

– Fam-trip, press-trip eta bisita teknikoak: 6.000,00 euro.

4.3. Gastu hauengatik ez da dirulaguntzarik emango:

– Material ez suntsikorraren gastuak eta inbertsio gastuak, materiala nahiz immateriala izan.

– Material inbentariagarria hornitu, jarri, garraiatu eta abarren gastuak.

- Prestakuntzarekin zerikusia duten gastuak, edozein eratakoak.
- Ibilgailuetan eta establezimenduetan errotuluak jartzeko gastuak.
- Turismoa sustatzeko materialen banaketa fisikoaren gastuak, salbu eta banaketa horren xedea azoketan parte hartzea bada.
- Funtzionamenduko gastu arruntak, hala nola alokairuak, argia, telefonoa, aldizkarietarako harpidetzak, aseguruak eta bulegoko materiala.
- Erakunde eskatzailearen barruko langile gastuak.
- Higiezinaren alokairu gastuak.
- Interneten sartzeko kuotak eta elkarteei ordaindutako kuotak, aldizkako informazio buletinenak eta aldian aldiko gainerako gastuak.
- Kuadrillen egunak, eskualdeetako azokak...
- Dirulaguntzaren xede diren lehiaketetako sariak.
- Merchandising materialak (sustapenerako materialak) erostea eta banatzea.
- Kalitate ziurtagirien gastuak eta ziurtagiria eman duen erakundeak fakturatutako ikuskaritza gastuak. Lehendik eskuratutako kalitate ziurtagiriei eusteko gastuak.
- Sustapen ekitaldien gastuak (lunch, bazkari, jai eta abarrekoak).
- Xede nagusizat kirola eta/edo kultura⁴ sustatzea daukaten ekitaldiak.
- Esponsorizazio gastuak.
- Telefono terminalak eskuratzea, nahiz eta haien artean aplikazio informatikoak egon.
- Zerga, lan, kontabilitate, lege zein administrazio aholkularitza.
- Partaidetza kuotak elkarreetan.

4.4. Tributuoak diruz lagundu daitezkeen gastuak izango dira, baldin eta onuradunak ordaindu egiten baditu. BEZa eta gainerako zeharkako zergak, berreskuratu edo konpentsatu ahal badira, inolaz ere ez onartuko dirulaguntzarako, eta errentaren gaineko zerga pertsonalak ere ez. Beraz, irabazteko xederik gabeko elkarteei dagokienez, BEZa ez da diruz lagundu daitezkeen gastua izango, salbu eta BEZaren aitortpena aurkeztetik salbuetsita badaude.

4.5. Eskatzailearen eta hornitzailearen arteko lotura dagoenean, gasturako dirulaguntza emango da baldin eta hiru eskaintza eskatzen badira zerbitzua edo inbertsioa egiteko, eta, eskaintzarik merkeena hautatu ezean, horren arrazoiak justifikatzen badira.

4.6. Diruz lagundu daitezkeen aurrekontuaren ehuneko 100eraino azpikontratatzea baimentzen da, betiere urriaren 19ko 11/2016 Foru Arauak, Arabako Lurralde Historikoko dirulaguntzenak, 27. artikuluan ezarritako baldintzak betez.

4.7. Aurkeztutako eskaeran sartzan badira jarduera edo gastu partidak, Enplegu, Merkataritza eta Turismo Sustapenaren Zuzendaritzaren ustetan nahiko laguntzen ez dutenak lurraldearen sustapen ekonomikoan, partida horiek atera egin ahal izango dira esleitu beharreko dirulaguntza kalkulatzeko orduan.

5. artikulua. Aplikazio eremua eta jarduerak gauzatzeko epealdia

5.1. Deialdi honetako onuradunek Arabako Lurralde Historikoan kokatu beharko dituzte diruz lagundutako jardueren emaitzak.

Dirulaguntza jaso dezakete:

– 2019. urtean hasitako jardueretatik, 2019ko abenduaren 13ra arte gauzatzen direnak, egun hori barne.

– 2018ko azken hiruhilekoan hasitako jardueretatik, 2019ko abenduaren 13ra arte gauzatzen direnak, egun hori barne, baldin eta ez badira diruz lagundu aurreko deialdietan.

6. artikulua. Dirulaguntzen zenbatekoak eta mugak

6.1. Diruz lagundu daitezkeen aurrekontuei aplikatu beharreko dirulaguntza ehunekoa (ikusi Diputatuen Kontseiluaren martxoaren 15eko 26/2016 Foru Dekretuaren 7.4. oinarri orokorra) ehuneko 80 izango da.

6.2. Nolanahi ere, toki erakundeentzako gehieneko dirulaguntzaren zenbatekoa, aurreko ehunekoak aplikatuz ateratakoa, ezingo da izan 70.000,00 eurotik gorakoa. Udal onuradunak zuzenbidezko 20.000 biztanle baino gutxiago baditu, eskura dezakeen gehieneko dirulaguntza 20.000,00 eurokoa izango da.

Irabazteko xederik gabeko elkarteen kasuan, aurreko ehunekoak aplikatuz ateratako gehieneko dirulaguntzaren zenbatekoa ezingo da izan 20.000,00 eurotik gorakoa. SEC 95 Kontuen Europako Sistemaren eta Aurrekontu egonkortasunaren Legearen baldintzetan foru sektore publikoaren partaide diren erakundeek, berriz, gehienez 15.000,00 euroko dirulaguntza eskuratu ahal izango dute.

6.3. Hala ere, deialdia ebatzitakoan, partida bakoitzean ez badira 2.1 artikuluan jasotako aurrekontu kredituak agortu, sortutako gerakina erabili ahal da gehitzeko ehuneko 90eraino gehitzeko onuradun bakoitzaren dirulaguntza portzentaia hainbanaketaz, betiere deialdian finkatutako mugak gainditzen ez badira.

6.4. Laguntza eskatzen duen erakundea Enplegu, Merkataritza eta Turismo Zuzendaritzaren beste laguntza programa batzuetan laguntza baten onuraduna izan bada antzeko gastuak izan eta programa honen kontura onartutako proiektuen antzeko beste batzuetarako, dirulaguntzarako onartzen den oinarria egokituko da araudi honetan ezartzen den gehieneko dirulaguntza ez gainditzeko.

6.5. Eskaerak dirulaguntza jaso ahal izan dezan, proposatutako dirulaguntzaren gutxieneko zenbateko hau ezartzen da, esleipena egiten den unerako: 1.500,00 euro.

7. artikulua. Prozedura bideratzeko eskumena duten organoak

7.1. Prozedura Enplegu, Merkataritza eta Turismo Sustapenaren Zerbitzuak bideratuko du.

7.2. Balorazio batzordea honela osatuta egongo da:

Lehendakaria: Enplegu, Merkataritza eta Turismo Sustapenaren zuzendaria, edo hark eskuordetzen duen pertsona.

Kidea: Enplegu, Merkataritza eta Turismo Sustapenaren Zerbitzuaren burua, edo hark eskuordetzen duen pertsona.

Idazkaria: Enplegu, Merkataritza eta Turismo Sustapenaren Zerbitzuko teknikari bat.

8. artikulua. Eskaerak aurkezteko epea eta modua

8.1. Eskaerak Arabako Foru Aldundiko Erregistro Orokorrean aurkeztu behar dira (Probintzia plaza, 5 - 01001, Gasteiz), edo itundutako udalen erregistro orokorretan, eta Enplegu, Merkataritza eta Turismo Sustapenaren Zerbitzuari zuzendu behar zaizkio (Arabako Foru Aldundiko Enplegu, Merkataritza eta Turismo Sustapenaren Zuzendaritza); edonola ere, Administrazio prozedura erkidearen urriaren 1eko 39/2015 Legeak ezarritakoa bete beharko da.

8.2. Eskaerak aurkezteko epea foru erabaki hau indarrean sartzean hasiko da eta argitaratzen den egunetik 30 egun natural igarotakoan amaituko da.

8.3. Erabaki honetan araututako laguntzetarako eskaerak egiteko erabili behar diren ereduak eskuragarri daude Enplegu, Merkataritza eta Turismo Sustapenaren Zerbitzuan –Probintzia plaza 5, 01001 Gasteiz– eta Arabako Foru Aldundiaren webgunean. Behar bezala eta osorik beteta, sinatuta eta zigilatuta aurkeztu behar dira, eta agiri hauek erantsi behar zaizkie:

- Egin beharreko turismo sustapeneko jardueren azalpena eta jarduerok egiteko arrazoiak.
- Aurreikusitako gastuen aurrekontu xehatuta.

– Lana egingo duen edo egin duen kanpoko profesionalaren edo hornitzailearen eskaintzaren fotokopia (proformako edo behin betiko fakturak, kanpoko aurrekontua edo, halakorik balego, kontratu sinatua) edo azoketara edo fam-trip, blogtrip edo press-trip delakoetara joateak eragin ditzakeen gastuen gutxi gorabeherakoa.

– Eskatutako 3 eskaintzen fotokopiak, aholkularitzako edo laguntza teknikoko enpresei 15.000,00 euroko edo gehiagoko zerbitzuak eskatu bazaizkie. Horrekin batera, hautatu den eskaintza ez bada ekonomiaren aldetik onuragarriena, zergatik aukeratu den azaltzen duen justifikazioa. Proiektua gauzatzen hasitakoan, diruz lagundutako ekintzaren baten benetako gastuak 15.000,00 euroko muga gainditzen badu, nahiz eta gastua onartu zenean zenbatekoa txikiagoa izan, hiru eskaintza aurkeztu beharko dira.

8.4. Eskatzailea udala denean, eskaerarekin batera, 8.3 artikuluan eskatutakoaz gain, honako informazio hau ere aurkeztu beharko da:

– Udalak turismo bulegoa edo turismoko informazioa puntua duela eta azken bost urteetatik lautan, behintzat, zerbitzu horiek eskaini dituela egiaztatzen duen ziurtagiri zuzen zigilatua eta izenpetua.

8.5. Eskatzailea irabazteko xederik gabeko elkarte denean, eskaerarekin batera, 8.3 artikuluan eskatutakoaz gain, honako informazio hau ere aurkeztu beharko da:

– Estatutuen fotokopia.

– Elkarteen Erregistroko inskripzioaren ziurtagiria, edo, fundazioen kasuan, erregistro egokian inskribatu izanaren frogagiria.

– Diruz lagundutako jardueretan BEZaren aitortpena aurkeztu beharretik salbuetsita egotearen frogagiria, behar denean.

9. artikulua. Proiektuak hautatzeko eta balioesteko irizpideak

9.1. Aurkeztutako ekintzak, oro har, ondoren adierazten diren irizpide eta puntuazioen arabera balioetsiko dira:

a) Proiektuaren kalitate teknikoa. Proiektu guztiaren justifikazioaren, haren helburuaren, metodologiaren, planifikatutako jardueren eta aurreikusitako jarraipenaren eta ebaluazioaren arteko lotura. Aurkeztutako proiektuaren koherentzia orokorra (gehienez, 20 puntu).

Proiektua, oro har, koherentea da bere jarduera guztietan	20 puntu
Proiektua, oro har, koherentea da bere jarduera gehienetan	10 puntu
Proiektua, oro har, ez da koherentea	0 puntu

b) Proiektuak oro har zer berrikuntza maila dakarren eta/edo zer osagarri berritzaile dakartzan metodologiari, baliabideei, materialei, ekintzei, hedapenari edo jardueretako zati diren beste batzuei lotuta (20 puntu gehienez).

Proiektua, oro har, berritzailea da eta zenbait osagai berritzaile eta/edo ekitaldi edo jarduera propio sortu berriak ditu	20 puntu
Proiektua, oro har, berritzailea ez bada ere, baditu osagarri berritzaileak metodologiari, baliabideei, ekintzei, hedapenari... lotuta eta/edo ekitaldi edo jarduera propio sortu berria.	10 puntu
Proiektua ez da batera berritzailea (ez jarduerak osotasunean hartuta oro har ez haren elementuetan).	0 puntu

c) Aurkeztutako eskaeraren definizio eta kalitate maila eta edukia, eta hura aztertze beharrezkoak diren agiri guztiak hasieratik bertatik aurkeztu izana (gehienez 20 puntu).

Eskaera aurkezteko unean eskaera osorik egon da, eta proiektuaren zehaztasun eta definizio maila oso ona izan da.	20 puntu
Eskaera aurkezteko unean eskaera osorik egon da, baina enpresa proiektua ez da nahikoa zehaztu eta definitu, edo eskaera aurkezteko unean eskaera ez da osorik egon, baina geroago osatu egin da, eta enpresaren proiektuaren zehaztasun eta definizio maila handia izan da.	10 puntu
Aurkeztutako gainerako eskaerak	0 puntu

d) Jarduketek zenbaterainoko ekarpena egiten duten turismo okupazioaren desasoikatzerako eta/edo askotariko turismo eskaintza egiteko (gehienez, 20 puntu).

Jarduketen ekarpena handia, turismo okupazioaren desasoikatzerako eta askotariko turismo eskaintza egiteko	20 puntu
Jarduketen ekarpena handia, turismo okupazioaren desasoikatzerako edo askotariko turismo eskaintza egiteko, baina ez biak batera	10 puntu
Jarduketen ekarpena baxua edo ezer ez, turismo okupazioaren desasoikatzerako eta askotariko turismo eskaintza egiteko	0 puntu

e) Aurkeztutako jarduerak zer mailatan egokitzen zaizkien Arabako Foru Aldundiko Enplegu, Merkataritza eta Turismo Sustapenaren Zuzendaritzaren eta Eusko Jaurlaritzaren turismoa sustatzeko jarduerari. Enplegu, Merkataritza eta Turismo Sustapenaren Zuzendaritzak proiektuari interes berezikoa iriztea (gehienez, 10 puntu).

Egokitzapena argia edota zuzena da, eta interes bereziko proiektu irizten zaio.	10 puntu
Egokitzapena argia edota zuzena da, baina ez zaio interes bereziko proiektu irizten.	5 puntu
Egokitzapena lausoa edota zeharkakoa da, eta ez zaio interes bereziko proiektu irizten.	0 puntu

f) Aurreko ekitaldietan emandako dirulaguntzen xedeak zenbateraino gauzatu eta bete diren (gehienez 10 puntu).

Gauzate eta betetze maila altua (ehuneko 80 baino gehiago onartuan esleitutakoaren aurrean)	10 puntu
Gauzate eta betetze maila ertaina (ehuneko 60 baino gehiago onartuan esleitutakoaren aurrean)	5 puntu
Gauzate eta betetze maila apala (ehuneko 60 baino gutxiago onartuan esleitutakoaren aurrean) edo aldeztatik dirulaguntzarik ez duena	0 puntu

9.2. Deialdi honen 3.1.c) artikuluan zehaztutako onuradunek, dirulaguntza lerro honen onuradun izan ahal izateko, deialdi honetako 3. artikuluan ezartzen diren betekizun guztiak bete beharko ditu eta, horrez gain, aurkeztutako jarduketek multzoak, gutxienez ere, 50 puntu lortu beharko ditu balorazioan.

9.3. Onuradunak hautatzeko eta bakoitzari dagokion zenbatekoa zehazteko, Diputatuen Kontseiluaren martxoaren 15eko 26/2016 Foru Dekretuaren seigarren oinarrian ezarritakoari jarraituko zaio.

10. artikulua. Ebazteko eta jakinarazteko epealdia

10.1. Organo eskudunak, Balioespen Batzordearen proposamenez, bidezko deritzon ebazpena emango du. Ebazteko epea Diputatuen Kontseiluaren martxoaren 15eko 26/2016 Foru Dekretuaren seigarren oinarrian ezarritakoaren arabera arautuko da.

10.2. Ebazpenak gutun ziurtatuaren bidez jakinaraziko dira. Edonola ere, Administrazio prozedura erkidearen urriaren 1eko 39/2015 Legeak ezarritakoari jarraituz jardungo da.

10.3. Ebazpenak bide administratiboa agortzen du, baina Diputatuen Kontseiluari erabakia jakinarazi den egunaren hurrengotik hasi eta hilabete igaro baino lehen aukerako berraztertzeko errekurtsioa jar daiteke, urriaren 1eko 39/2015 Legearen, administrazio prozedura erkidearenen, 123. artikulua xedatzen duenaren arabera. Bestela, zuzenean aurkatu daiteke administrazioarekiko auzietarako dagokion jurisdikzioaren aurrean, erabakia jakinarazi den egunaren hurrengotik hasi eta bi hilabete igaro baino lehen.

11. artikulua. Onuradunen betebeharrak

11.1. Laguntza lerro honen kontura finantzatzeko diren jarduketetan Arabako Foru Aldundiaren babesa agerrarazi beharko da leku nabarmenean.

11.2. Dirulaguntzaren xedarekin zerikusia duten komunikazio, publizitate eta zabalkunde ekintza guztiak, ekitaldi publiko nahiz pribatuak, aurkezpen, amaiera ekitaldi eta antzekoak aldeztatik Arabako Foru Aldundiarekin adostu beharko dira, bere irudi korporatiboaren inguruan berak ezartzen dituen jarraibideei jarraituko zaie, eta bi hizkuntza ofizialak erabiliko dira, herriarrek hizkuntza aukeratzeko duten eskubidea modu eraginkorrean bermatuz.

11.3. Web orriren bat sortu edota eguneratzeko dirulaguntza jasotzen bada, hura Arabako Foru Aldundiaren turismoko web orriari estekatuko zaio.

11.4. Arabako Lurralde Historikoko kuadrillek eta udalek, laguntza lerro honetako onurak eskuratuz gero, laguntza emango dute, ahal duten neurrian, Arabako Foru Aldundiaren turismoko web orriaren euren inguruko turismo baliabideei buruz dagoen informazioa eguneratzeko, eta edozein aldaketa gertatzen denean horren berri emango diote Enplegu, Merkataritza eta Turismo Sustapenaren Zerbitzuari.

12. artikulua. Dirulaguntzen justifikazioa eta ordainketa

12.1. Dirulaguntzen likidazioa kasuan kasuko administrazio ebazpenean adierazten den bezala egingo da, bertan zehazten diren betekizun eta baldintza guztiak bete ondoren.

12.2. Dirulaguntzaren lehenengo zatia, hau da, onartutako dirulaguntzaren ehuneko 50, ebazpena onartutakoan ordainduko zaie, justifikatu beharreko aurrerakin gisa.

12.3. Arabako Foru Aldundiak dirulaguntzaren gainerako ehuneko 50a ordaintzeko betebeharra onartzeko, onuradunak agiri hauek aurkeztu beharko ditu 2019ko abenduaren 13rako (egun hori barne):

– Egingo jardueraren guztien azkeneko memoria.

– Gastuen eta diru sarreren edo diruz lagundutako jardueren taula, Enplegu, Merkataritza eta Turismo Sustapenaren Zerbitzuan –Probidentzia plaza 5., 1. solairua, 01001 Gasteiz- eta Arabako Foru Aldundiaren webgunean eskuragarri dauden eskabide ereduaren arabera, behar bezala beteta, sinatuta eta zigilatuta.

– Fakturen eta gainerako frogagiri baliokideen jatorrizkoak edo fotokopia konpultsatuak; kuadrilla eta udalei, konpultsa gisa, aurkeztutako fakturak benetakoak direla adierazten duen lehendakariaren, alkatearen edo idazkari-kontuhartzailearen izenpea eta zigilua duen egiaztagiri dataduna onartuko zaie. Egiaztagiri horrek faktura guztien zerrenda zehatza jasoko du.

– Diruz lagundutako jardueraren finantzatu duten bestelako sarrera edo dirulaguntzen xehe-tasunak, zenbatekoa eta jatorria adieraziz, bai eta halakorik izan ez bada ere; kasu horretan, memorian espresuki eta markatuta aipatu behar da.

– Hiru eskaintzak eta, eskaintzarik merkeena aukeratu ez bada, horren arrazoiak azaltzen dituen justifikazio txostena (bakar-bakarrik partidaren batek eskaera egiteko garaian hiru eskaintza aurkezteko behartzen ez bazuen eta geroago benetako gastuak ezarritako 15.000,00 euroko mugara heldu edo hortik gorakoak izan badira).

– Dosier eta/edo euskarri informatikoa (CD edo antzekoa), dirulaguntza gaiaren argazkiak eta/edo bideoak jasoko dituena.

Profesionalek emandako fakturen kasuan, erakunde onuradunak pertsona fisikoen errentaren gaineko zergaren konturako atxikipenen zenbatekoa ordaindu beharko du. Kasu horretan, onartu egingo da justifikatu beharreko ordainketa egiteko betebeharra, eta Arabako Foru Aldundiaren ardura izango da ordainketa horiek egiaztatzea eta dagokion justifikazio txostena egitea. Baldin eta, dirulaguntza ordaindu eta gero, egiaztatzen bada ez direla sartu egin beharreko atxikipenak, dirulaguntza itzultzeko eta hari dagozkion interesak ordaintzeko eskatuko da.

12.4. Arabako Foru Aldundiak dirulaguntzaren beste ehuneko 50a ordain dezan eta lehenengo ordainketa justifikatuzat eman dezan, aldez aurretik onuradunak, 2020ko apirilaren 10era arteko epean (egun hori barne), Enplegu, Merkataritza eta Turismo Sustapenaren Zerbitzuan fakturen ordainketaren frogagiriak aurkeztu beharko ditu, eta horien zenbatekoa, gutxienez, dirulaguntza jaso dezakeen onartutako oinarriaren bestekoa edo gehiagokoa izan beharko da. Formatu hauetako edozein erabili ahalko du horretarako:

– Jatorrizko banku ziurtagiria, ondoko datuak zehazten dituena: ordaintzailea, zenbatekoa, data eta ordainketaren edo transferentziaren hartzailea, eta izenpetuta edota bankuaren zigilua jarrita.

– Jatorrizko ziurtagiria, faktura jaulki duenak sinatuta eta/edo zigilua jarrita, datu hauek zehazten dituena: fakturaren zenbakia, zenbatekoa eta ordainketa data.

– Kuadrilla eta udalei dagokienez, fakturak ordaindu izanaren datadun egiaztagiria, lehen-dakariak, alkateak edo idazkari-kontuhartzaileak izenpetua eta zigilatua, non hauek zehaztuko diren: fakturaren zenbakia, zenbatekoa eta ordaindu zeneko eguna.

– Transferentzia telematikoen aginduak, ordainketa edo transferentzia egiten duen bankuaren zigilua jarrita.

– Posta arruntez jasotako banku laburpenak, jatorrizkoak.

– Posta elektronikoz jasotako banku laburpenak, ordainketa edo transferentzia egin duen bankuaren zigilua jarrita.

– Diruz lagundutako jarduera zehazten duten erosketa edo zerbitzuen agiriak edo ordainagiriak, bidezko kopurua ordaindu dela frogatzen dutenak.

– Kuadrilla eta udalen kasuan, kontabilitateko P agiriak, dirulaguntza jaso duen erakunde publikoaren zigiluarekin.

12.5. Oro har, ordainketen frogagiriak jatorrizkoak izan beharko dira, baina fotokopia konpultsatuak ere aurkeztu ahal izango dira.

Ez da onartuko eskudirutan ordaintzea 2019rako indarreko araudian ezartzen den zenbatekoa ez hortik gorakoa (edo horren kontrabalioa atzerriko monetetan).

Aurreko paragrafoan aipatzen den zenbatekoa kalkulatzeko, baldin eta ondasun ematea edo zerbitzua zatikatu bada, eragiketa edo ordainketa guztien zenbatekoak batuko dira.

12.6. Ordainketak arintzeko, unean unerako jarritako epemugak baino lehenago aurkeztu ahal izango dira agiriak.

12.7. Justifikatutako gastuak, guztira, diruz lagundu daitekeen aurrekontua adinakoak izan beharko dira, gutxienez. Diruz lagundu daitekeen aurrekontu horretara iritsi ezean, dirulaguntza proportzioan murriztuko da, eta dagokion kopurua baliogabetuko da.

12.8. Hasieran onartutako diruz lagundu daitekeen aurrekontuaren mugarekin, dirulaguntza jaso dezaketan kontzeptu eta zenbatekoetan aldaketak onartu ahalko dira, dirulaguntza jasoko zuen kontzepturen bat egin gabe geratu bada ere. Betiere desbideratze horiek Enplegu,

Merkataritza eta Turismo Sustapenaren Zerbitzuaren isilbidezko oniritzia beharko dute, salbu eta funtsezko aldaketak egiten direnean, halakoei Enplegu, Merkataritza eta Turismo Sustapenaren Zuzendaritzak eman beharko baitie oniritzi hori.

12.9. Aurreko lerroaldeetan aipatutako agiriak, dirulaguntza ordaintzeko betebeharra onartzeko aurkeztu behar direnak zein hura kobratzeko aurkeztu behar direnak, Arabako Foru Aldundiaren Erregistro Orokorrean aurkeztu ahalko dira (Probintzia plaza 5, 01001 Gasteiz) edo bestela, itundutako udalen erregistro orokorretan. Hori guztia, kalterik egin gabe urriaren 1eko 39/2015 Legean, administrazio prozedura erkidearenean, ezarritakoari.

12.10. Lehen aipatutako epeak igaro eta dirulaguntza ordaintzeko betebeharra onartzeko zein dirulaguntza ordaintzeko aurkeztu beharreko dokumentazioa aurkeztu ez bada, edo aurkeztu beharreko guztia aurkeztu ez bada, dirulaguntza gutxitu edo baliogabe utziko da, kasu bakoitzari dagokionaren arabera.

12.11. Zenbait kasutan lehenengo emanaldia egin ahalko da, justifikatu beharreko aurrerakin gisa. Hala ere, ez da ezarri emandako funtsak bermatzeko inolako araubiderik.

12.12. Onuradunek gastuen justifikazioak aurkeztu ondoren, Enplegu, Merkataritza eta Turismo Sustapenaren Zerbitzuak in situ egin ahalko ditu bisitak, diruz lagundutako jarduketak benetan egin direla egiaztatzeko. Bisiten kopurua eskura dauden baliabideen arabera izango da.

12.13. 6.2 paragrafoan ezarritako dirulaguntza mugetako edozein aplikatu bada, onargarria izango da, Enplegu, Merkataritza eta Turismoaren Sustapenaren Zerbitzuak txostena alde zuzenetik txostena eginik, diruz laguntzeko den gastuan murrizketak egitea, esleitutako dirulaguntza aldatu gabe, ordea; alabaina, beharrezkoa izango da betetzea dirulaguntzaren xedea, eta errespetatzea diruz lagundutako gastuaren gutxieneko zenbateko justifikatu beharrezkoa, alegia, operazio honen emaitza: esleitutako dirulaguntzaren gehieneko zenbatekoa zati aplikatutako dirulaguntza ehunekoa.

13. artikulua. Dirulaguntzen bateragarritasuna

13.1. Diputatuen Kontseiluaren martxoaren 15eko 26/2016 Foru Dekretuak, oinarri orokorrak onartzen dituenak, hamahirugarren oinarrian ezarritakoa aplikatuko da. Gainera, jarduketek jaso ditzaketen beste laguntzak, edozein izanda ere laguntza mota eta hura ematen duen organoa edo administrazioa, bateragarriak izango dira erabaki honetako laguntzekin, baldin eta, bai osotara bai diruz lagundutako jarduera bakoitzean, laguntzen baturak ez badu gainditzen diruz lagundutako jardueraren kostua.

14. artikulua. Garapena

14.1. Enplegu, Merkataritza eta Turismo Sustapenaren eta Foru Administrazioaren Saileko foru diputatuari eskumena ematen zaio foru agindu hau zuzen garatzeko, aplikatzeko eta interpretatzeko beharrezko den xedapen oro onartzeko.

15. artikulua. Eskaerak egokitzea

15.1. Erabaki honetan araututako dirulaguntza deialdian parte hartzerik ez duten hirugarren pertsonen jarduketak – dela erabaki honetan ezarritako baldintzaren bat betetzen ez dutelako, diruz laguntzea nahi den kontzeptuak diruz lagundu ezin direlako edo, Enplegu, Merkataritza eta Turismo Sustapenaren Zerbitzuaren iritiz, proiektu horiek Enplegu, Merkataritza eta Turismo Sustapenaren Zuzendaritzak aurreko kudeatutako beste laguntza lerro batzuei hobeto egokitzen zaizkielako eta horrelakoren bat eskuratu ahal dutelako– dagokien laguntza lerrora eraman ahalko dira ofizioz.

16. artikulua. Azken klausula

Foru agindu honetan ezarritako prozedura Diputatuen Kontseiluaren martxoaren 15eko 26/2016 Foru Dekretuaren bidez onartutako oinarri orokorretan ezarritakoaren mendean dago, bai eta honako hauek dirulaguntzei buruz xedatzen dutenaren mendean ere: Arabako

Lurralde Historikoko dirulaguntzen urriaren 19ko 11/2016 Foru Araua; Dirulaguntzen azaroaren 17ko 38/2003 Lege Orokorra; uztailaren 21eko 887/2006 Errege Dekretua, beste lege honen erregelamendua onartzen duena: azaroaren 17ko Dirulaguntzen 38/2003 Lege Orokorra; eta dirulaguntzei buruz geroago eman diren gainerako xedapenak.